

*MASTER
NEGATIVE
NO. 93-81235-5*

MICROFILMED 1993

COLUMBIA UNIVERSITY LIBRARIES/NEW YORK

as part of the
"Foundations of Western Civilization Preservation Project"

Funded by the
NATIONAL ENDOWMENT FOR THE HUMANITIES

Reproductions may not be made without permission from
Columbia University Library

COPYRIGHT STATEMENT

The copyright law of the United States - Title 17, United States Code - concerns the making of photocopies or other reproductions of copyrighted material.

Under certain conditions specified in the law, libraries and archives are authorized to furnish a photocopy or other reproduction. One of these specified conditions is that the photocopy or other reproduction is not to be "used for any purpose other than private study, scholarship, or research." If a user makes a request for, or later uses, a photocopy or reproduction for purposes in excess of "fair use," that user may be liable for copyright infringement.

This institution reserves the right to refuse to accept a copy order if, in its judgement, fulfillment of the order would involve violation of the copyright law.

AUTHOR:

KLEIN, FRANZ NICOLAS

TITLE:

ADDITAMENTORUM AD
DION...

PLACE:

CONFLUENTIBUS

DATE:

1831

Master Negative #

93-81235-5

COLUMBIA UNIVERSITY LIBRARIES
PRESERVATION DEPARTMENT

BIBLIOGRAPHIC MICROFORM TARGET

Original Material as Filmed - Existing Bibliographic Record

87GE
Z8

Klein, Franz Nicolas,
...Additamentorum ad Dion. Lambini Emendationes
Tullianas nuper editas particula prior... Con-
fluentibus, excudebat B. Heriot, 1831.
10 p. 28 cm.

At head of title: Examinibus publicis in Gymna-
sio regio Confluentino... invitat Franc. Nic.
Kleinius...

Restrictions on Use:

TECHNICAL MICROFORM DATA

FILM SIZE: 35mm

REDUCTION RATIO: 13.5X

IMAGE PLACEMENT: IA IIA IB IIB

DATE FILMED: 7-23-93

INITIALS MY



FILMED BY: RESEARCH PUBLICATIONS, INC WOODBRIDGE, CT




AIIM

Association for Information and Image Management



1100 Wayne Avenue, Suite 1100
Silver Spring, Maryland 20910
301/587-8202



Centimeter



Inches



MANUFACTURED TO AIIM STANDARDS
BY APPLIED IMAGE, INC.

24346

87C E

No. 4

28

EXAMINIBUS PUBLICIS
IN
GYMNASIO REGIO CONFLUENTINO

DIEBUS 12. 13. ET 14. MENSIS SEPTEMBRIS A. 1851.

RITE HABENDIS

UT INTERESSE

ET

**ORATIONES ALIQUOT CIVIUM PRIME CLASSIS RELIQUORUM DECLAMATIUNCULAS
SIVE RECITATIONES MELICO CERTAMINI INTERPOSITAS**

AUDIRE VELINT

**PRÆSIDES PROVINCIÆ RHENANÆ EXCELLENTISSIMOS ILLUSTRISSIMOS SUPREMI REGIMINIS
CURÆQUE CONFLUENTINÆ MODERATORES SAPIENTISSIMOS QUIQUE A CONSILIIS SUNT
LECTISSIMOS HUMANISSIMOS VIROS SUPREMUM SENATUM QUI RERUM SACRARUM ET
SCHOLASTICARUM IN HIS TERRIS CURAM HABET CLERUM URBIS VENERABILEM
CIVITATIS CONFLUENTINÆ MAGISTRUM CUM PATRIBUS GRAVISSIMIS PROCE-
RES DENIQUE QUI IN HAC URBE DEGUNT NOBILISSIMOS FORTISSIMOS
CONSULTISSIMOS**

EA QUA PAR EST ET DECET

OBSERVANTIA

INVITAT

FRANC. NIC. KLEINIUS

GYMNASII CONFLUENTINI DIRECTOR ET PROFESSOR

SOCIETATIS LATINÆ IENENSIS HONORIS CAUSA, ADSCRIPTUS.

INSUNT:

- 1) Additamentorum ad *Dion. Lambini* Emendationes Tullianas nuper editas particula prior.
- 2) Annales rerum Gymnasii inde a die 18. mensis Octobris a. 1850. continuati.

CONFLUENTIBUS 1851

EXCUDERAT B. HERIOT.

POST absolutum anno superiore *Dionysii Lambini Emendationum Tullianarum* (sic enim inscribere malui) volumen, ad fidem editionis librorum Ciceronis Lambinianae a. 1563. accuratum, cuius libri iustam recensionem litterae nostrae flagitare quodammodo videbantur, coepi equidem reliqua maiore etiam diligentia circumspectare et colligere, quae vir ingeniosissimus post Ciceronem ab se editum feliciter excogitata Commentariis tum Horatianis tum Lucretianis, a. 1567. et 1570. denuo et tertium editis, inseruit. ea sunt autem eiusmodi, ut negligi sine magno damno ab iis non possint, qui *Lambini* potissimum opera in legendo Cicerone utuntur.

In his igitur colligendis atque digerendis, quod me facturum ante hos decem menses professus sum, nunc quam maxime elaboro, eaque quum perfecero quibus praetermissis Tulliani operis ab Lambino feliciter inchoati absolutio esse nulla potest, tum demum ad ea recensenda et collustranda progrediar, quae post Lambini mortem inde ab a. 1575. publici iuris facta sunt, tanquam novae quaedam recensionis Lambinianae *accessiones*. prodiiit enim eo ipso anno, incertum quo auctore, *Puteana* decem voluminibus formae octuplicatae, eaque Lambinianae a. 1563. *repetitio* fons est reliquarum editionum, quae *Lambini* nomen falso inscriptum habent.

Sed de his rebus alio et suo loco nobis dicendum erit, quum praefabor *Emendationum Tullianarum Epimetro* sive *Curis Secundis*. nunc oblata scribendi facultate (indieenda enim sunt hac seriptione *Publica Examina*, quae discipulis nostris subeunda erunt his proximis diebus), sic utar hac facultate, ut ea colligam atque componam, quae tertia *Lucretii* editione Lambinus in Cicerone suo, nimis tum varias ob causas festinato, aut immutanda esse statuit, aut certe melius explicanda, quam id antea factum erat a. 1563.

Atque haec quae dixi *priore* particula *Additamentorum* ad *Lambini* *Emendationes* Tullianas nuper a me editas continentur. altera comprehendet plura eiusdem generis, tum ex *Horatianis* *Commentariis* deprompta, tum aliunde hausta, id est *Lambiniana Plauti* et *Cornelii Nepotis* editione.

1) II. *Accusat.* C. 74. §. 184. p. Lambin. 117. 22. iam non quaero, unde *CCCC* amphoras mellis habueris, unde tantam *Melitensem* vestem, unde quinquaginta *tricliniorum* lectos, unde tot candelabra: non, inquam, iam quaero unde haec habueris, sed quo tibi tantum opus fuerit, id quaero. mitto de melle, sed tantumne *Melitensium*, quasi etiam amicorum uxores, tantum *lectorum*, quasi etiam omnium istorum villas ornaturus esses? Lambinus *Commentariis* *Lucretianis* ad 4, 1125. p. 399., ibi, interdum in *pallam* ac *Melitensia* Caeque vertunt. «vestes *Melitenses* et *Ceas* in pretio fuisse sciunt vel mediocriter docti. M. Tullius *Verrinarum* 4. de *Iure*. Dicundo: iam non quaero unde *CCCC* amphoras mellis habueris, unde tantum *Melitensium*, et cetera. ibidem: sed tantumne *Melitensium*? quasi etiam amicorum uxores ornaturus esses, et cetera. ita enim utrobique legendum est, ut *Melitensium* sit a recto casu *Melitensia*, numero multitudinis. quamquam scio, in editione *Parisiensi* a. 1563. impressum esse, tantam *MELITENSEM* vestem, culpa operarum, qui quod erat sumendum reliquerunt, quod reliquendum sequuti sunt. igitur Lambinus neque satis castigavit operarios istos *Tom. 2. p. 343.*

et ipse imprudens, ut equidem suspicor, quae corrigenda erant intacta reliquit p. 796. Orel-
lius p. 196, 5. — tantum *Melitensium* edit. 1584. Grut. Lall. vid. Beckium Tom. 1. p. 346.

2) I. Catilin. C. 4. §. 15. p. Lambin. 517, 44. quot ego tuas petitiones, ita coniectas ut
vitari posse non viderentur, parva quadam declinatione et ut aiunt corpore effugi? Lambinus
Comm. Lucretianis ad 5, 1529. p. 719. sq., ibi, exhibant dentis adactus. id est effugiebant,
declinabant, evadebant. sic libro sexto [v. 1213.], aut procul absiliebat, ut acrem exiret
odorem. ibidem citra [v. 1203.], profluvium porro, qui tectri sanguinis acre Exierat, et cetera.
videtur esse a gladiatoribus tractum et translatum. sic loquuntur et Graeci, exempli causa
Demosthenes κατά 'Ανδροτίανος [p. Reisk. 617. in Bekkeri Oratt. Att. Tom. 4. p. 833.],
εἰσφίγων δ' ἐν τῶν ἰδίων οὐδὲνα κινδυνόν ἐπὶ δόξης ἐξίστη· id est, conferens autem de re
sua familiari in rem publicam nullum periculum exiit, seu quod idem valet, evasit, id est effu-
git. sic et κατά Τιμοκράτους, et quidem iisdem plane verbis [p. Reisk. 737. Bekker. Tom. 3.
p. 56.]. sic M. Tullius Catilinaria Prima: quot ego tuas petitiones ita coniectas, ut vitari
posse non viderentur, parva quadam declinatione, ut aiunt, corpore effugi. male et mendose, opinor. quam
scripturam tamen in mea Ciceronis editione secutus sum, nondum animadversa antiqua,
quam postea reperi fere expressam in uno exemplari manu scripto pervertuto, nisi quod
duae voces, corpore et evasi, delitescunt in litura neque satis liquidae aut integrae sunt,
propterea quod emendator aliquis seu fortasse corruptor potius conatus est in locum anti-
quae scripturae, corpore et evasi, substituere corpore et effugi. quod eo dico, quia homo
male de me meritis approbata mea emendatione in illo versu, qui est libro sexto, aut pro-
cul absiliebat, ut acrem exiret odorem, pro quo libri omnes habent, aut procul absiliebat ut
acrem exciret odorem, commemorans verba illa Ciceronis in Catilinaria Prima ait se ita
emendasse, quot ego tuas petitiones ita coniectas, ut vitari posse non viderentur, parva quadam
declinatione et, ut aiunt, corpore excessi? quam scripturam quamvis non damnam, praeser-
tim quam a recepta in hoc uno discrepet, quod excessi reponatur pro effugi, recepta autem
lectio in voce corpore non possit damnari, quod eam Virgilius confirmet in versu illo, qui
est libro quinto [Aeneidos, v. 438. ubi vid. Burmannum Tom. 2. p. 634. adde Servium
Commentariis ad IX. Aeneid. 450. Tom. 3. p. 423.], corpore tela modo atque oculis vigilan-
tibus exit: movet me tamen litura, quae est in codice manu scripto. praeterea illud decli-
natione corporis valde mihi videtur usitate dictum et significanter. praeterea illud excessi
pro evasi, ut puto legendum ex antiquae scripturae vestigiis, aut effugi, ut habent libri vul-
gati et nonnulli veteres, duriusculum est apud Ciceronem, neque id facile receperim, nisi
vetus codex comprobet. nam si ita scriptum est in vetere codice, nihil causae dico, quin
omnibus aliis scripturis et coniecturis reiectis ita sit legendum. mihi enim carior est veri-
tas et antiqua scriptura, praesertim probabilis, quam meae omnes coniecturae et cogitatio-
nes. vid. Beckium Tom. 3. p. 373., ubi corrigendum, declinatione, ut aiunt, corporis.

3) Oratione pro Caelio C. 24. p. 60. p. Lambin. 503, 52. nonne ipsam domum metuet, ne
quam vocem eliciat? vide Emendationes pagina nostra 291. adde quae Commentariis Lucretia-
nis disputantur ad 3, 58. p. 296. sq., ibi, nam verae voces tum domum pectore ab imo eliciun-
tur. eliciuntur habent omnes libri manu scripti et vulgati. quod si probemus, interpretabi-
mur exprimuntur. sed existimant tamen docti legendum eliciuntur, ut intelligamus homines
ipsos in rebus adversis veras voces elicere, id est mittere. et ita amicus meus putat legen-
dum in Oratione pro M. Caelio, nonne ipsam domum metuet, ne quam vocem eliciat? ubi
vulgo legitur eliciat. cui propemodum nunc assentior, quamvis olim dissenserim. sed si mu-

tatio consilii non est inconstantia, ut non est, et si in toto vitae statu licet interdum tem-
poribus postulantibus sententiam mutare: quanto magis in iis, quae ad studia litterarum
pertinent? ego igitur et in hac tertia editione eliciuntur edendum curavi et item in secunda,
quum in prima eliciuntur editum esset. neque hic me movent libri veteres: scio enim, in
iis saepenumero i pro l et l pro i scriptum reperiri. amicus Lambini M. Antonius Mure-
tus, quem vide VV. LL. 2, 17. Operum Tom. 2. p. 50.

4) Oratione in Pisonem C. 26. §. 63. p. Lambin. 537, 15. quodsi reprehendis, quod cupidi
gloriae fuerint, et reliqua. Lambinus Commentariis Lucretianis ad 5, 149. p. 597. sq., ibi,
tenuis enim natura deum. venit nunc mihi in mentem unius praeterea loci apud M. Tullium
Ciceronem in Oratione in Pisonem, quem locum similiter vir longe omnium doctissimus
idemque dum vixit carissimus et aliquot annos meus collega, Adrianus Turnebus corruptum
existimans emendare conatus est [Adversariis 4, 15. cf. Lipsium VV. LL. 1, 18. Operum
Tom. 1. p. Vesal. edit. 226. sq.], quum sit integer et incorruptus nullaue emendatione
egeat. verba Ciceronis haec sunt: quodsi reprehendis, quod cupidi gloriae fuerint, quum bella
aut parva aut nulla gessissent: in tantis rebus gestis minime fructum laborum tuorum, praemia
periculorum, insignia virtutis contemnere debuisti. neque vero contempsisti, licet sis tu in
sapientior, sed os tuum ferreum senatus convicio verberari noluisti. hactenus Cicero. putavit ille
vir, haec verba, licet sis Themista sapientior, esse mendosa et sic emendanda, licet sis tu in
sapientior. sed, ut dixi, nullius emendatoris operam requirunt. fuit enim Themista
mulier philosophiae Epicurae dedita, Leontei seu Leontis uxor, ad quam scripsit episto-
las Epicurus, ut testatur Diogenes Laertius, qui eam saepenumero commemorat. ideoque
longum sit locos omnes hic referre: uno atque altero contenti erimus. sic igitur Laertius
[10, 5. Tom. 1. p. Meibom. 603.], πρὸς Θεμιστᾶν τὴν Λεόντος γυναῖκα γράψαν, Οἷος τε,
φησὶν, εἰμὶ, ἰὰν μὴ ἐμεῖς πρὸς με ἀφίκησθε, ἀπὸς τρικύλιστος, ὅπου ἂν ἐμεῖς καὶ Θεμιστᾶ
παράκαλῃτε, ὁδεῖσθαι· id est, ad Themistam Leontis uxorem scribens, Possum, inquit, si vos
ad me non veneritis, ipse ter volubilis, quocumque vos et Themista me invitaveritis, tanquam
pulsu aliquo externo incitatus ferri. idem [10, 23. p. 614.], Λεοντεὺς τε Λαμψακῆρος ὁμοίως
καὶ ἡ τοῦτον γυνὴ Θεμιστᾶ, πρὸς ἣν γέγραφεν Ἐπίκουρος· id est, et Leonteus Lampsacenus
similiter eiusque uxor Themista, ad quam scripsit Epicurus. commemorat hanc Themistam idem
Laertius duobus aut etiam, opinor, tribus aliis locis [v. c. 10, 26. p. 614. vide Menagium
Tom. 2. p. 447. sq.], commemorat et Lactantius Firmianus libro tertio, qui de Falsa Sa-
pientia inscribitur [Divv. Instit. 3, 23. p. Walch. 573.], his verbis: Denique nullas unquam
mulieres philosophari docuerunt (Epicurei subintelligendi) praeter unam ex omni memoria Them-
istam, neque servos praeter unum Phaedonem, et cetera. satis nunc existimo perspicuum esse,
in nomine Themista nullum subesse mendum, quod vir ille alioqui doctissimus suspicatus
est, eademque opera in promptu esse verborum M. Tullii sententiam. nam quum Pisonem
compellet, hominem, ut vult ipse Cicero, Epicureum, Epicurus autem gloriam et triumphos
contemneret, quod nihil sit in eis quod ad voluptatem referri possit: more suo iocans Ci-
cero dicit, eum non contempsisse triumphum, quanvis sit Themista muliere praeceptis Epicuri
polita atque erudita sapientior. non necesse habeo aliorum coniecturas refellere, si qui post
Turnebum ausi sunt huic Ciceronis loco tanquam sanae corporis parti scalpellum admovere.
spero enim eos his lectis, nisi erunt valde pertinaces, et nisi se et suas coniecturas nimis
amabunt, veritati concessuros ac manum duros. Turnebum quidem, quo ingenio quaque
animi aequitate et facilitate eum cognovi, si reviviscat, non dubito quin suae coniecturae
suaeque emendationis vehementer paeniteat.

5) Oratione pro Milone C. 1. §. 1. p. Lambin. 345, 40. etsi vereor, iudices, ne turpe sit pro fortissimo viro dicere incipientem timere, minimeque debeat, quum T. Annius Milo ipse magis de rei publicae salute quam de sua perturbetur, me ad eius causam parem animi magnitudinem afferre non posse: tamen haec novi iudicii nova forma terret oculos, qui quocunque inciderint, veterem consuetudinem fori et pristinum morem iudiciorum minime vident. Lambinus Comm. Lucretianis ad 3, 505. p. 341., ibi, tum quasi talipedans primum consurgit. • legendum talipedans, • ut ego edendum curavi, quantumvis licet reclament Thrasones et sycophantae. meae autem • coniecturae ratio haec est. scriptum erat in emendatis membranarum tum quasi talipedans, et cetera. studiosus aliquis lector ad oram libri sui, in quo sic erat scriptum, adscripserat • vacillans, ut vocem obscuriorem hac notiore declararet. scriptor librarius, qui postea ex eo exemplo librum descripsit, omisso vero nomine supposuit alterum interpretationis causa • adscriptum, nempe pro talipedans VACILLANS. in quo genere saepe peccabant scriptores illi, quemadmodum supra admonuimus in audeas pro ausis [ad 2, 981., ibi, nusquam consistere • ut ausis, p. 264. sq.], et in re vera tamen haud sit [ad 2, 638., ibi, dum re non sit tamen • apse, p. 250.] pro re non sit tamen apse, et hoc libro in extremo [v. 1082.] invitus adhaeret • et angit, pro ingratis haeret et angit. sic apud Catullum carmine in Egnatium [39, 19. p. Lachmann. 21.] scripserant atque ruffam defricare gingivam, pro ruffam pumicare gingivam, quod ex Apuleio in Apologetico [p. Elmenh. 277.] notavit Adrianus Turnebus, sic nuper apud Demosthenem in Oratione κατά Μειδιόν non longe ab extremo [p. Reisk. 586, Bekker. Oratt. Att. Tom. 4. p. 528.] reposui ἐκλάζετε ex Harpocrate pro ἐκκράζετε, quod eodem librorum errore in codices Demosthenis irrepserat. sic in Oratione pro Milone in prooemio vulgo legitur pristinum morem iudiciorum minime vident, quum libri manu scripti habeant et a Quintiliano [11. Instit. Orator. 3, 50. p. Zumpt. 505.] referatur pristinum morem iudiciorum requirunt. quomodo se Franciscus Fabricius Marcoduranus, Germanus, homo doctissimus et vir optimus, in libris manu scriptis reperisse ad me scripsit.

6) Oratione pro Milone C. 9. §. 23. p. Lambin. 347, 29. convocabat tribus: se interponebat: coloniam novam, dilectum perditissimorum scribebat civium. Lambinus Commentariis Lucretianis ad 1, 87. p. 21., ibi, ductores Danaum dilecti. • admonendus est lector, in tribus libris • manu scriptis dilecti scriptum esse. quod probat. nam Festus quoque testatur dilectus militum • dixisse veteres, non delectus, atque hanc vocem semper ita scriptam reperio in libris manu scriptis, tum apud alios scriptores tum apud M. Tullium; exempli causa Philippica Quinta [C. 12. §. 51. p. Lambin. 620, 45.], bello autem dubio quod potest esse studium dilectus? et • paucis verbis post, tumultum decerni, iustitium edici, saga sumi dico oportere, dilectum haberi • sublati vacationibus. idem pro Milone, in narratione, convocabat tribus, se interponebat, Collinam novam ex dilectu perditissimorum civium conscribebat. quem locum eo libentius protuli, quod in omnibus libris vulgatis mendose legitur, non eo solum quod delectum habent pro dilectu et scribebat pro conscribebat, sed etiam quod coloniam novam pro Collinam novam. fuit autem Collina una ex quattuor tribubus urbanis. nolim vero Franciscum Fabricium Marcoduranum sua laude fraudare, qui se hunc M. Tullii locum ita scriptum in libris antiquis • reperisse testatur.

7) Epistolis 3, 8. Orell. Vol. 3. P. 1. p. 77. limavit. Lambinus in Indice Rerum et Verborum p. 327. • limavit aliquid posterior annus de tua proluxa beneficaque natura. alii libitavit. ad haec idem sic disputavit Commentariis Lucretianis ad 3, 214. p. 313., ibi, nil ibi limatum de toto corpore cernas Ad speciem. • nihil demptum, nihil detractum, detritum, deminutum. sic autem videtur legendum potius quam, ut vulgo, libatum. M. Tullius Epistolarum

• libro tertio, etsi de tua proluxa beneficaque natura limabit aliquid posterior annus. limabit, id est deminuet, detrabet, decerpit. ubi tamen nonnulli libri veteres habent limitabit, ut et vulgati aliquot, ab eodem verbo. • vide Pareum Lexico Critico p. 679.

8) Epistolis 7, 32. p. Lambin. 32, 36. sed quando tanta faex est in urbe, ut nihil sit tam ἀκρόδηρον, quod non alicui venustum videatur: pugna, si me amas, et cetera. Lambinus Commentariis Lucretianis ad 1, 24. p. 9., ibi, neque fit laetum neque amabile quicquam. • sic Cal·limachus [inter fragmenta a Spanhemio collecta, Tom. 1. p. Ernest. 590., ex Plutarcho de Virtute Morali Operum Tom. 2. p. 443. F.], τίς δὲ χάρις, τί δὲ τεργνὸν ἀνὸν χρυσῆς Ἀφρο·δίτης; τεθναίνην, ὅτε μοι μὴ κίτε ταῦτα μέλει. id est, quid lepidum, quid iucundum sine Cy·pride pulchra? Vita vale, haec curae mihi esse ubi desierint! tale fere est illud Menandri, quod refert Plutarchus libro Πῶς δέ τῶν ποιημάτων ἀκούειν [Tom. 2. p. 21. C.]; ἀπανδ' ὅσα ζῆ καὶ τὸν ἥλιον βλέπει τὸν κοινὸν ἡμῶν, δῆλα ταῦτ' ἐστ' ἡδονῆς. id est, omnia quae vivunt • et solem nobis communem intuentur, haec voluptati serviunt. ex quo Graeci ἀκρόδηρον et ἀνα·φρόδητον appellant quod Latini invenustum, id est illepidum atque inornatum. M. Tullius • Epistolarum libro septimo ad Voluminium, sed quoniam tanta faex est in urbe, ut nihil sit tam ἀκρόδηρον, quod non alicui venustum videatur, pugna, si me amas, et cetera. quo loco • legitur in libris vulgatis ἀκρόν, mendose.

9) Epistolis ad Atticum 4, 16. Lambino 17. p. Lambin. 247, 29. itaque dixit statim reus lege maiestatis • OT COIMΠICA ΜΑΦΙΗ. Lambinus Commentariis Lucretianis ad 3, 1415. p. 727., ibi, sic odium cepit glandis. • ex quo illud ἀλῆς δρυός, satis quercus, et M. Tullius • Oratore Perfecto [C. 9. §. 51. p. Lambin. 249, 40.], quae est in hominibus tanta perversitas, • ut inventis frugibus GLANDE vescantur? glandis et δρυός sive quercus facta mentio mihi aurem • vellit meque admonet, ut locum in Epistolis Ciceronis ad Atticum libro quarto epistola, • cuius initium est O expectatas et cetera, in mea editione, in editionibus aliis vero epi·stola, quae hinc initium capit Occupationum et cetera, ab omnibus eruditissimis, qui eum usque • ad hunc diem attigerunt, quique ei manus admoverunt, desperatum ac pro insanabili dere·lictum sanem atque emendem de sententia amici mei Simeonis Bosii, viri ingeniosissimi. • verba Ciceronis sunt haec: itaque dixit statim reus lege maiestatis, OT ΟΙ ΛΑΡΤΕ ΛΑΛΛΑ • ΦΤΗ. sic legitur in veteribus codicibus, quae litterae perspicue sunt corruptae. sic igitur • legit ille, οὐ σοι ἂν δρυὶς μάλα φέει. id est, non tibi haec quercus mala (id est, glandes) • gignit. verba sunt liberti cuiusdam, qui videns se reum esse et fortasse etiam damnatum • iri, iocans in periculo ante oculos posito et alludens ad quercum glandiferam, quae cibum • suppeditavit primis illis hominibus fuitque eis quasi nutrix, et praeterea poenam lege con·stitutam respiciens (fuste autem verberabantur liberti condemnati, interdum etiam extremo • supplicio afficiebantur) haec loquitur: non tibi haec quercus glandes procreat, id est, haec • accusatio non tibi victum, sed magnum malum data est. eadem opera illud quoque alte·rum vulgus, quod est in eadem epistola, sanabo, ΠΟΡΙΑ ΙΤΜΝΑ, ubi quidam legunt • πρόρα πρόμα. sed legendum censet ille ΓΟΡΕΙΑ ΙΤΜΝΑ, id est, larvae seu personae • nuda. sed de Cicerone hactenus.

10) Epistolis ad Atticum 3, 12. p. Lambin. 233, 16. itaque erat in animo, nihil festinare nec me Delo movere, nisi omnia ἀποστηγίαν iura vidissem. Lambinus Commentariis Lucretianis ad 3, 1002. p. 636. sqq., ibi, nec poterat quemquam placidi pellacia ponti Subdola pellicere in fraudem. • id est, fallacia et fallax aequoris tranquillitas, quae postea in magnos et horri·biles fluctus interdum verti solet. supra libro secundo [v. 539.], subdola quum ridet placidi • pellacia ponti. iynx appellatur a Graecis talis maris fallacia et quasi illecebra, videlicet

• summa tranquillitas, quae ad navigandum homines invitat. atque hic locus me admonet, ut locum apud Tullium in Epistolis ad Atticum depravatam emendem, qui est in epistola duodecima libri quinti. sic autem in nonnullis libris vulgatis legitur: itaque erat in animo nihil festinare nec me Delo movere, nisi omnia ἀκρατηρέων iura vidissem; quomodo in nostris libris veteribus scriptum reperi, in nonnullis aliis nisi omnia ἀκρατηρέων iura vidissem. Malaspina sic putavit legendum, nisi omnia ἀκρατηρέων iura vidissem, quam lectionem, quod mihi speciosa videbatur, in mea editione secutus sum. sed tantum abest ut haec sit emendata, ut corruptior sit quam recepta. ne diutius igitur lectorem suspensum teneam, ex voce ἀκρατηρέων duae faciendae sunt, ἀκρα τηρέων, et ex iura Ιυγγα. sententia nunc huius loci plana est. hoc enim sentit Cicero: propter difficultatem navigandi, quam superioribus diebus experti sumus, et quia naviculae Rhodiorum fluctum ferre non possunt, decretum erat mihi nihil festinare, nec me Delo commovere, nisi omnia ἀκρα τηρέων sive τηρέων, id est promuntoria observans, Ιυγγα, id est tranquillitatem maris ad navigandum allicientem atque invitantem vidissem. haec igitur est illa maris tranquillitas, quam Lucretius pellaciam appellat et hoc et secundo libro, quamque M. Tullius se expectaturum dicit, diligenter observata ventorum, qui ex promuntoriis existunt, ratione. fuit autem vox Ιυγγα depravata a scriptore librario, quum eam scripsisset litteris Latinis, hoc modo iurra, unde postea factum est iura. verum ne quid dissimulem, huius coniecturae et emendationis laus Simeoni Bosio, viro doctissimo atque ingeniosissimo, debetur. et quoniam idem in quodam Moschi carmine, quo talis maris illecebra describitur, mendum ab aliis non modo non sublatum sed ne animadversum quidem divina coniectura fretus sustulit, Moschi versus, praesertim quum ad hunc locum illustrandum valde pertineant, non me pigebit huc adscribere. sic igitur Moschus [3, 1. sqq. in Poetis Graecis Minoribus Tom. 4. p. Gaisford. 278.]:

• τὰν ἄλα τὰν γλαυκὰν ὅταν ἐνεμος ἀτρέμα βάλλοι,
• τὰν φρένα τὰν δειλὰν ἐρεδίζομαι, οὐδ' ἐτι μοῖσα
• ἐντὶ φίλα, ποτάγει δὲ πολὺ πλεόν ἄμμε γαλάνα.
• ἀλλ' ὅταν ἀχέσῃ πολλὸς βυθός, ἃ δὲ θάλασσα
• κρυτὸν ἐπαφρίζῃ, τὰ δὲ κύματα πικρὰ μεμίνη,
• ἐς χθόνα παπταίνω καὶ δίνδρεα, τὰν δ' ἄλα φέγω.
• γὰρ δὲ μοι ἃ πιστά, τάχα δ' εὖσκιος εὐαδεν ἔλα,

• et cetera. id est, ut nos quidem vertimus:

• Quum mare caeruleum lenis pavit aura levisque,
• Tum mihi titillant mentem laevam atque misellam
• Aequora, nec mihi terra placet, sed me magis multo
• Pellicit aequa maris facies ridentibus undis.
• Ast ubi cana sonant ponti freta tristibus Euris,
• Quum spumant undae et fluctus maris aequora turbant,
• Terram oculis circumspicio ramosque virentes,
• Et fugio mare ventosum fluctusque sonoros:
• Terra mihi fida est cordi silvaeque salubres,

• et cetera. ex interpretatione mea Latina facile iam cuivis intelligere licet, secundum verum esse mendosum et pro μοῖσα legendum duabus vocibus μοι γὰρ. quod idem ille Bosius unus et princeps vidit, mihiq; nuper, quum esset domi meae, indicavit. ego autem continuo ei assensus sum.

11) Epistolis ad Atticum 3, 5. p. Lambin. 283, 49. etsi solet eum, quum aliquid furiose fecit, paenitere: nunquam autem certior fuit, quam in hoc negotio. Lambinus Commentariis Lucretianis ad 2, 634. p. 229., ibi, si quis mare Neptunum Cereremque vocare Constituat fruges. M. Tullius libro secundo de Natura Deorum [C. 23. §. 60. p. Lambin. 222, 47.], itaque tum illud quod erat a deo natum nomine ipsius dei nuncupabant, ut quum fruges CEREREM appellamus, vinum autem LIBERUM, ex quo illud Terentianum [Eunucho 4. 5, 6. p. Lips. 163.], SINE CERERE ET LIBERO FRIGET VENUS: tum, et cetera. a Cerere autem dicti sunt cecriti quasi cereriti, id est furiosi et insani et a Cerere percussi. qua voce utitur Horatius satira tertia libri secundi [v. 278.], Cecritus fuit an commotae crimine mentis, et cetera. ad quem locum adnotavimus satis multa [Commentariis Horatianis Tom. 2. p. edit. Confluent. 222. sq.]. utitur et Plautus [Amphitruone 2. 2, 143. et aliis locis], utitur et M. Tullius in epistola quinta libri octavi ad Atticum, quem locum eo libentius lectori indicabo, quod nondum ullis in exemplis emendate legitur. sic igitur Cicero: etsi solet eum, quum aliquid furiose fecit, paenitere. nunquam CERITIOR fuit, quam in hoc negotio. sic autem legendum esse princeps vidit Simeo Bosius Lemovix: nam vulgo legitur certior. vide eundem Commentariis Horatianis ad l. l. p. editionis repetitae 223. e Lambino profecit Pareus Lexico Critico p. 100.

12) Libro quarto Tusculanarum Disputationum C. 36. §. 77. p. Lambin. 176, 12. Impius hortatur me frater, ut meos nalis miser Mandem natos. Lambinus Commentariis Lucretianis ad 2, 627., ibi, ne Saturnus eum malis mandaret adeptus, et cetera. ex huius loci similitudine versus poetae cuiusdam veteris, quos profert M. Tullius libro quarto Tusculanarum Quaestionum et libro tertio de Oratore ad Q. fratrem [C. 58. §. 217. p. Lambin. 204, 23.], qui in omnibus quos quidem viderim libris corrupte leguntur, sic restitui: impius hortatur me frater ut meos nalis miser Mandem natos. vulgo enim legitur manderem pro mandem. cf. ab Lambino disputata ad 5 de Oratore l. l. Emendationibus p. nostra 62. et adde Comm. Horat. ad l. Carmm. 16, 21. Tom. 1. p. repetitae editionis 86.

13) Libro primo de Natura Deorum C. 39. §. 110. p. Lambin. 211, 29. quae etiam si essent quae nulla sunt, pellere se ipsa et agitari inter se concursu fortasse possent, formare, figurare, colorare, animare non possent. vide Lambinum Commentariis Lucretianis ad 2, 219. p. 170., ibi, spatio secedere paulum.

14) Libro secundo de Natura Deorum C. 10. §. 26. p. Lambin. 217, 43. ipse vero aer, qui natura est maxime humidus, minime est expers caloris. Lambinus Commentariis Lucretianis ad 6, 843. p. 829., ibi, frigore quom premitur porro omnis terra coitque Et quasi concrescit, et reliqua. id est, quum autem terra frigore comprimitur et contrahitur et quasi concrescit, fit scilicet ut coeundo et concrescendo exprimat, id est, per compressionem emittat in puteos semina caloris, quae in se continet. M. Tullius libro secundo de Natura Deorum ex sententia Stoicorum eandem fere quam Lucretius rationem affert his verbis [p. Lambin. 217, 29.]: Omnes igitur mundi partes (tangam autem maximas) calore fullae sustentuntur. quod primum in terrae natura perspicui potest: nam et lapidum conflictu atque tritu elici ignem videmus, et recenti fossione terram fumare calentem, atque etiam ex puteis iugibus aquam calidam trahi, et id maxime hibernis fieri temporibus, quod magna vis terrae cavernis contineatur caloris, eaque hieme sit densior, ob eamque causam calorem insitum in terris contineat arctius. atque huius loci facta mentio me admonet eorum, quae ibidem paucis post verbis sequuntur, ibi, ipse vero aer qui natura est maxime frigidus, et cetera. in eo igitur loco memini me repone in ea editione Ciceronis, cui praefui a. 1503., qui natura est maxime humidus, et ce-

• tera. quod non oportuit. nam tametsi hoc verum sit, aerem esse maxime *humidum*, praesertim ex sententia Aristotelis, tamen quum hic tractet Cicero Stoicorum sententiam, et Stoici dicant aerem esse *frigidissimum*, ut refert Diogenes Laertius [7, 137. et ad eum locum Menag. Tom. 2. p. 313.], nihil est in Cicerone mutandum. *sefellit me*, ut dixi, quod Aristoteles a Zenone dissentit ac discrepat.

13) In *Laelio* sive de Amicitia libello C. 24. §. 90. p. Lambin. 431, 13. quod contra *oportebat delicto dolere, obiurgatione gaudere*. Lambinus Commentariis Lucretianis ad 1, 83. p. 20., ibi, quod contra *saepius olim Religio peperit scelerosa atque impia facta*. • sic habent libri quattuor manu scripti, et ita legendum putant viri docti, quibus assentior. sic enim M. Tullium quum alibi tum in *Laelio* loqui memini: *peccasse enim se non anguntur, obiurgari moleste ferunt; quod contra oportebat delicto dolere, obiurgatione gaudere*. ubi vulgo legitur *QUIN CONTRA*. • vid. Beier. p. edit. maior. 143.